



Broj: 22-44-1366/17
Datum, 24.08.2017. godine

Na osnovu člana 70. stav 2. Zakona o organizaciji organa uprave u FBiH ("Službene novine Federacije BiH" br.: 35/05) a u vezi sa članom 17. stav 1. Zakona o javnim nabavkama BiH ("Službeni glasnik BiH", br.:39/14) i članom 2. Pravilnika o postupku direktnog sporazuma Kantonalne uprave civilne zaštite Kantona Sarajevo broj: 22-44-401/15 od 25.03.2015. godine, Direktor Kantonalne uprave civilne zaštite Kantona Sarajevo **d o n o s i**

O D L U K U
o pokretanju javne nabavke putem direktnog sporazuma

I

Ovom Odlukom se pokreće postupak javne nabavke putem direktnog sporazuma za nabavku usluge: "Servisiranje kompresora za komprimirani zrak", a sve prema specifikaciji iz obrazca za cijenu ponude.

Oznaka i naziv iz JRJN: 50531300-9 - Usluge popravaka i održavanja kompresora

II

Vrijednost javne nabavke iz tačke I ove Odluke procjenjuje se na iznos do 6.000,00 KM (šest hiljada KM) bez PDV-a.

III

Sredstva za nabavku iz tačke I ove odluke se osiguravaju iz planiranih budžetskih sredstava Kantonalne uprave civilne zaštite Kantona Sarajevo za 2017. godinu sa ekonomskog koda: 613700 – Izdaci za tekuće održavanje.

IV

Ova Odluka stupa na snagu danom donošenja.

DIREKTOR

mr. Mustafa Kovač





Broj: 22-44-1366-3/17
Datum: 04.09.2017. godine

Na osnovu člana 70. stav 1., 2. i 3. Zakona o javnim nabavkama Bosne i Hercegovine („Službeni glasnik BiH“, broj: 39/14) i odredbama Pravilnika o postupku direktnog sporazuma Kantonalne uprave civilne zaštite Kantona Sarajevo broj: 22-44-401/15 od 25.03.2015. godine, Direktor Kantonalne uprave civilne zaštite Kantona Sarajevo d o n o s i

ODLUKU
o izboru

Član 1.

Ugovor za javnu nabavku usluge servisiranja kompresora za komprimirani zrak putem direktnog sporazuma dodijeljuje se ponuđaču Teve Varnost Elektronika d.o.o., Ul. Čajengradaska br.6a, 71300 Visoko prema ponudi broj 025-RJ/2017R dostavljenoj dana 30.08.2017. godine za ponudenu cijenu od 5.624,21 KM (slovima: pethiljadašeststotinadvadesetčetiri KM i 21/100) bez PDV-a, kao najpovoljnijem ponuđaču.

Član 2.

Prijedlog ugovora o nabavci usluge dostavit će se na potpis izabranom ponuđaču Teve Varnost Elektronika d.o.o.

Član 3.

Ova Odluka stupa na snagu danom donošenja.

Obrazloženje

Direktor Kantonalne uprave civilne zaštite Kantona Sarajevo donio je Odluku o pokretanju postupka javne nabavke broj: 22-44-1366/17 od 24.08.2017. godine.

U skladu sa članom 5. Pravilnika o postupku direktnog sporazuma Kantonalne uprave civilne zaštite Kantona Sarajevo broj: 22-44-401/15 od 25.03.2015. godine, Kantonalna uprava civilne zaštite Kantona Sarajevo je na terenu ispitivala tržište, te uputila zahtjev za dodjelu pismene ponude trojici (3) ponuđača. U zadanom roku pristigle su ukupno dvije (2) ponude.

Iz izvještaja o provedenom postupku konstatovano je da su ponude ponuđača Teve Varnost Elektronika d.o.o. i GRANULO - RE d.o.o. u skladu sa zahtjevom za dostavljanje ponuda, i da je najniža cijena ponude u ovom postupku ponuda ponuđača Teve Varnost Elektronika d.o.o.

Na osnovu uvida u ponude prihvatljivih ponuđača, a odlukom Direktora izabrana je ponuda ponuđača Teve Varnost Elektronika d.o.o. , Ul. Čajengradaska br. 6a; 71300 Visoko.



Pouka o pravnom lijeku:

Protiv ove Odluke ponuđač može izjaviti žalbu u roku od 5 (pet) dana od dana prijema Odluke o izboru. Žalba se podnosi ugovornom organu kao prvostepenoj instanci u žalbenom postupku.

Dostaviti:

- Teve Varnost Elektronika d.o.o.
- Sektor za ekonomske poslove KUCZ KS
- Ministarstvo finansija Kantona Sarajevo
- a/a

DIREKTOR

mr. Mustafa Kovac



E-mail: kucz@kucz.ks.gov.ba ; www.ks.gov.ba
Tel.: + 387 33/201-595 ; + 387 33/443-720; fax:033/560-453
71000 Sarajevo, Hamida Dizdara 1

UGOVOR

o javnoj nabavci putem direktnog sporazuma
- usluge servisiranja kompresora za komprimirani zrak -

Zaključen dana 08.09.2017. godine u Sarajevu između:

1. **KANTONALNA UPRAVA CIVILNE ZAŠTITE KS**, ul. Hamida Dizdara 1, Sarajevo, ID broj: 4200665390008 koju zastupa direktor Mustafa Kovač (u daljem tekstu: Naručilac), s jedne strane,
i
2. **TEVE VARNOST ELEKTRONIKA** d.o.o. Ul. Čajengradska br. 6a, 71300 Visoko, ID broj: 4218101930009, koju zastupa direktor Kenan Handžić, (u daljem tekstu: Izvršilac), s druge strane.

Član 1.

Predmet ovog Ugovora je nabavka usluge servisiranja kompresora za komprimirani zrak putem direktnog sporazuma prema zahtjevu za dostavu ponude broj: 22-44-1366-1/17 od 24.08. 2017. godine. Ugovor se zaključuje na osnovu Odluke o izboru najpovoljnijeg ponuđača broj: 22-44-1366-3/17 od 04.09.2017. godine i ponude Izvršioca broj:025-RJ/2017R dostavljene dana 30.08.2017 godine, izabrane od strane Naručioca.

Član 2.

Izvršilac se obavezuje, da će predmetnu uslugu iz člana 1. ovog Ugovora izvršiti kvalitetno i pravovremeno, prema dostavljenoj ponudi u roku od 42 (četrdesetdva) dana od dana obostranog potpisivanja istog.

Član 3.

Ukupno ugovorena cijena za izvršenje usluga iz predmeta ovog ugovora iznosi 6.580,33 KM (slovima: šesthiljadpetstotinaosamdeset KM i 33/100).

U ukupno ugovorenu cijenu iz predhodnog stava ovog člana, su uračunati troškovi PDV-a i isti padaju na teret Naručioca.

Član 4.

Plaćanje usluga iz člana 3. ovog Ugovora, Naručilac će izvršiti uplatom u roku 15 dana na račun Izvršioca br: 1610150005260071 kod Raiffeisen Banke DD Sarajevo - Filijala Visoko, prema obavljenoj usluzi, a na osnovu ispostavljene fakture.

Izvršioc je saglasan da Naručiocu neće zaračunavati zatezne kamate za zakašnjenje pri plaćanju preko "Trezora" Ministarstva finansija Kantona Sarajevo, ako je Naručilac u ugovorenom roku predao nalog za plaćanje, a Izvršilac primio uplatu s odgodom od jednog ili više dana od ugovorenog roka iz stava 1. ovog člana.

Član 5.

Na sva pitanja koja nisu regulisana ovim Ugovorom, a pojave se prilikom njegove realizacije primjenjivat će se odgovarajuće odredbe Zakona o obligacionim odnosima.

Član 6.

Ugovorne strane su saglasne da će sve eventualne sporove riješiti mirnim putem, sporazumno, a u suprotnom nadležan je Općinski sud u Sarajevu.

Član 7.

Ovaj Ugovor stupa na snagu danom njegovog potpisivanja od strane ovlaštenih predstavnika Naručioca i Izvršioca.

Član 8.

Ugovor je sačinjen u 4 (četiri) istovjetna primjerka, od kojih svaka od ugovornih strana zadržava po 2 (dva) potpisana i ovjerena primjerka.

IZVRŠILAC

DIREKTOR

Kenan Handžić

1


U Sarajevu, 08.09.2017. godine

NARUČILAC

DIREKTOR

mr. Mustafa Kovač


Broj: 22-44-1366-5/17